

SAKSPAPIR

Saksnr	Utval	Type	Dato
054/21	Formannskapet	PS	08.09.2021

Saksbehandlar	ArkivsakID
Berit Karin Rystad	20/2319

62/6 - Haus - Sal av kommunal eigedom

Vedlegg:

Takst 62-6

Rådmannen sitt framlegg til vedtak:

Formannskapet gjev rådmannen mynde til å selje eigedomen 62/6 til Mjelde Bygg AS og til å forhandle om vilkåra for sal.

Formannskapet - 054/21

FS - behandling:

Ordføraren gjorde slikt utsettingsframlegg:

"Salet av bygget vert utsatt til framtidig bruk av arealet er avklart gjennom pågåande reguleringsprosess av området"

AVRØYSTING UTSETTING:

Ordføraren sitt framlegg vart vedteke samrøystes vedteke

FS - vedtak:

Salet av bygget vert utsatt til framtidig bruk av arealet er avklart gjennom pågåande reguleringsprosess av området

Saksopplysningar:

Saksopplysningar:

Bakgrunn

Kommunen har motteke førespurnad om å selje eigedomen 62/6 i samband med gjennomføring av forenkla reguleringsplan i Haus I regi av Mjelde Bygg AS/Norgeshus AS. Statsforvaltaren i Vestland har rådd i frå å gjennomføre forenkla regulering fordi plangrensene er so pass utvida. Osterøy kommune har difor teke på seg å gjennomføre ein reguleringsplan for sentrum av Haus. Planen legg opp til ein meir variert struktur og rydder opp i uklare trafikkforhold. Det er stort behov for leiligheiter i bygda. Tiltakshavar Mjelde Bygg AS ønskjer å bygge eit leiligheitsbygg med 18 einingar. For å kunne få ei heilscapeleg løysing og best mogleg utnytting av arealet, ønskjer dei å inkludere 62/6 i planane. Det er meininga å rive bygget på 62/6 og bygge nytt. Det har vore munnleg dialog i saka.

For å unngå utarbeiding av områdeplan for Haus, har rådmannen vurdert det som hensiktsmessig at

kommunen regulerer område for fortetting og området rundt for å løyse utfordringar knytta til veg, parkering og infrastruktur. Planarbeidet starta opp i januar 2021.

Informasjon om eigedomen:

Storleik:	699 m ²
Bygg:	Næringsbygg med 3 bueiningar ca. 766 m ²
Bruk av bygget:	Utleige av kommunale bustadar.
Utnytting:	40 %
Reguleringsstatus:	Reguleringsplan frå 1997. Regulert til B/F – Blanda føremål bustad/forretning som skal vernast. Ny offentlig plan i arbeid.
Tilstand:	Bygget er slitt og treng solid oppgradering samt sanering av soppskadar og lekkasjar. Det har vært brann i bygningen og det blei brukt saltvatn til å slukke brannen. Bygget har fått store rustskadar i armering og skadar i konstruksjonen.
Takst:	2,7 millionar

Mjelde Bygg AS har henta inn takst.

Kommunen har motteke førespurnad om å få kjøpe eigedomen frå ein annan interessent.

Vurdering

Det er behov for ein meir variert bustadstruktur og då særleg leiligheiter og bustadar med livsløpsstandard i Haus. Mange innbyggjarar i Haus ynskjer seg ein annan bustad men det er stort sett berre einbustadar i bygda og folk må flytte ut av bygda for å skaffe seg ei leiligheit. Folk ynkjer å bli værande i sitt kjende miljø og dette er ikkje bra for bumiljøet.

Heradsstyret har gjort vedtak om at bygget på 62/2 skal rivast, men det er ikkje satt av midlar til å gjennomføre rivinga.

Osterøy kommune har ikkje økonomi til å rehabilitere bygget eller rive og bygge nytt. Dersom Mjelde Bygg AS får kjøpe eigedomen, forpliktar dei seg til å bygge bueiningar med livsløpsstandard. Dette vil kome innbyggjarar i Haus til gode ved at dei slepp å flytte ut av bygda for å finne eigna bustad.

Rådmannen har vurdert å selje eigedomen på den opne marknaden og kome til at den beste løysinga for kommunen er at Mjelde Bygg AS får utvikle det arealet som vert avsett til bustadføremål. Planane til Mjelde Bygg AS vil sørge for at Haus får ein meir variert bustadmasse og gi moglegheit for at ein kan verte buande i Haus heile livet. Prosjektet vil gi Haus sentrum ei fysisk oppgradering og fellesareal som leikeplass og grøntareal vil være tilgjengeleg for ålmenta.

Noverande leigetakarar vil få tilbod om ny bustad.

Rådmannen vurderer å legge inn ein forkjøpsrett til kommunal bustad.

Mjelde Bygg AS har kome med eit tilbod om å kjøpe eigedomen på kr. 22.754. Dette er basert på at det er mest økonomisk å rive bygget og bygge nytt. I tilbodet er det teke omsyn til kostnader med riving osv.

Folkehelse – Positivt for innbyggjarane i Haus å ha eit tilbod om bustadar med livsløpsstandard i nærområdet.

Miljø – Prosjektet vil gi Haus sentrum ei fysisk oppgradering og fellesareal som leikeplass og grøntareal vil være tilgjengeleg for ålmenta.

Økonomi – Dette vil gi kommunen midlar gjennom sal av egedomen og kommunen slepp å bruke egne midlar til å gjennomføre heradsstyret sitt rivningsvedtak.

Konklusjon

Rådmannen tilrår å selje egedom 62/6 til Mjelde Bygg AS. Rådmannen ber om mynde til å gjennomføre forhandlingar for å finne den beste løysinga for begge partar og til den prisen partane vert samde om.